

- malefici, stulti, hominum infimi, quorum scientiam aufert
16. Magia, daemoniacam naturam sectantes. Quaternorum generum homines probi me colunt, o Arjuna: afflictus, cognoscendi studiosus, pauper, atque sciens, o Bharatidarum princeps.
17. Ex his sciens, semper devotus, unico cultui addictus, praefertur: valde carus ego sum scienti, et ille mihi carus est.
18. Generosi quidem omnes isti, sed sciens mei ipsius instar a me iudicatur. Is utique ad me sese applicat tanquam
19. ad viam supremam. Multarum regenerationum in fine scientia praeditus ad me procedit. » Vâsudêvas est Univer-
20. sum;« cui sic persuasum sit, is magnanimus difficilis inventu est. Ii, quorum scientia aufertur cupiditatibus quibuslibet, ad alios Divos convertuntur, ad hanc vel illam normam sese
21. dirigentes, sua natura compulsi. Quamcunque aliquis imaginem colens cum fide venerari studet, unicuique horum secundum fidem istam constantem ego *sortem suam* disper-
22. tio. Is huic fidei deditus illam *imaginem* propitiare studet,
23. accipitque deinde desideria sua grata a me dispertita. At finitum est praemium istud istorum parum intelligentium: ad Divos pergunt qui Divis litant, mei cultores ad me per-
24. inde pergunt. Invisibilem me visibilitate praeditum arbitrantur insipientes, praestantiorum naturam meam ignorantes
25. incorruptibilem, supremam. Haud manifestus ego sum cunctis, mystica Magia involutus; stultum istud vulgus me
26. non agnoscit innatum, incorruptibilem. Novi equidem praeterita ac praesentia, o Arjuna, futuraque animantia; me
27. vero nemo novit. Propensione ac aversatione excitato ancipiti errore, o Bhârata, universa animantia ad delirium in
28. rerum natura pergunt, hostium vexator. Quorum autem deleta est labes sancte degentium, ii, ab ancipiti errore libe-